

**SPORTSKO RIBOLOVNI SAVEZ  
BOSNE I HERCEGOVINE**

Ulica, Ive Andrića 4.

**71123 ISTOČNO SARAJEVO**

E-mail: [srsbihk@gmail.com](mailto:srsbihk@gmail.com)

Facebook: RIBOLOVNI SAVEZ BiH

WEB SITE: [srsbih.com/web](http://srsbih.com/web)



**СПОРТСКО РИБОЛОВНИ САВЕЗ  
БОСНЕ И ХЕРЦЕГОВИНЕ**

Улица, Иве Андрића 4.

**71123 ИСТОЧНО САРАЈЕВО**

E-mail: [srsbihk@gmail.com](mailto:srsbihk@gmail.com)

Facebook: RIBOLOVNI SAVEZ BiH

WEB SITE: [www.srsbih.com/web](http://www.srsbih.com/web)

***SPORTS FISHING ASSOCIATION OF BOSNIA AND HERZEGOVINA***

---

***FEEDER PRAVILNIK***

***LOV RIBE UDICOM SA HRANILICOM***



*Pravilnik služi da održavanje takmičenja u disciplini FEEDER, njegovog tehničkog dijela za izvođenje takmičenja, a kada ga usvoji UO SRS BIH, i organizira feeder ligu, tada će se primjenjivati u cijelosti.*

**2019 godine**

Na osnovu člana 32.17. Statuta sportsko ribolovnog saveza Bosne i Hercegovine, Upravni odbor na sjednici održanoj dana, .15.03.2015. . godine , na osnovu izmjena pravila F.I.P.S.e.d, donosi:

## **FEEDER PRAVILNIK**

### **O SPORTSKO RIBOLOVNIM TAKMIČENJIMA U DISCIPLINI FEEDER „ULOV RIBE UDICOM SA HRANILICOM“**

#### **Član 1.**

Ovim Pravilnikom reguliše se sistem i organizacija takmičenja u disciplini „ULOVU RIBE UDICOM SA HRANILICOM“, -FEEDER- za službena takmičenja koja organizuje SRS Bosne i Heregovine, a isti se odnosi na seniorsku kategoriju, po ukazanoj potrebi i za ostale kategorije, usklađen sa pravilima za ovu disciplinu i odredbama koje propisuju Pravila F.I.P.S.e.d.

#### **Član 2.**

Pravilnikom su obrađeni:

1. Sistem SRT u SRS BiH
2. Odabir i uređenje takmičarske staze
3. Opšta Pravila takmičenja
4. Pribor za takmičenje, primama i ponašanje učesnika takmičenja
5. Priprema za takmičenje i izvođenje takmičenja.
6. Službene osobe na takmičenju
7. Suđenje na takmičenju
8. Obračun rezultata
9. Kazne na takmičenju
10. Proglašavanje rezultata
11. Formiranje reprezentacije SRS BiH
12. Prelazne i završne odredbe

### **1. SISTEM SPORTSKO-RIBOLOVNIH TAKMIČENJA**

#### **Član 3.**

### **SLUŽBENA SRT U ORGANIZACIJI SRS BIH SE ORGANIZUJU KAO**

- A) Ekipna takmičenja (Prva liga BiH)**
- b) Pojedinačna takmičenja ( Premijer liga BiH)**
- c) KUP BiH**

### **POJEDINAČNA I EKIPNA PRIJATELJSKA TAKMIČENJA**

#### **Član 4**

Pojedinačna i ekipna takmičenja , kao Kup-ovi , društvena i prijateljska takmičenja se organiziraju tako, da je dozvoljeno organizatoru, domaćinu, da utvrdi – odredi, broj takmičara u ekipama, kao i broj takmičara kod pojedinačne konkurencije.

## **KUP I EKIPNA PRVENSTVA BIH :**

### **Član 5**

Prva liga BiH u lovu ribe udicom sa hranilicom-feeder, kada se stvore uvjeti, broji 9 ekipa iz entitetskih saveza- 4 iz SRS RS, 4 iz SRS F BiH i 1 iz SRS DB.

Premijer liga broji 24 takmičara .Popuna 5+5+1

Kup BiH BROJI 11 ekipa 5+5+1.

Broj sektora kod ekipnog takmičenja zavisi od broja članova ekipa a odluku o tome donosi UO SRS BiH na prijedlog Takmičarske komisije.

## **2. ODABIR I UREĐENJE TAKMIČARSKE STAZE**

### **Član 6.**

Takmičenja se organiziraju na vodama, kao što su: rijeke, kanali, potoci ili odgovarajuće vodene površine, kao što je jezero ili slično. Ako je ikako moguće, mora biti omogućeno lovljenje ribe po cijeloj dužini prostora za takmičenje. Dubina bi, po mogućnosti, cijelom dužinom takmičarske staze trebala biti podjednaka, a mora iznositi najmanje 1,5 metara. Minimalna širina takmičarske staze mora iznositi 50 metara ( bilo da je rijeka ili jezero). Ove mjere u uvjetima BiH, može promijeniti TK SRS BiH.

### **Član 7.**

Izabrana takmičarska staza, odnosno sektor treba po mogućnosti biti u pravoj liniji, bez praznih mjesta i prekida unutar sektora. Treba izbjegavati veće uvale i rtove, te obezbjediti približno jednake uslove po pitanju visine obale, konfiguracije terena ,površine startnog mjesta , dubine vode u sektoru sa maksimalnim odstupanjem 40 % .Staza mora biti prekinuta (samo između sektora)., kod vodova visokog napona na udaljenosti 25 m, mostova elektro instalacia Trafo stanica i sl. prepreka  
Takmičarska staza ne smije predstavljati nikakvu opasnost niti takmičarima, niti gledaocima.

### **Član 8.**

Na izabranoj takmičarskoj stazi mora biti zabranjen ribolov (trening) najmanje 16 sati prije početka zvaničnog takmičenja. Obavezan pregled takmičarske staze prije početka takmičenja vrši Glavnini sudija, a svoju ocjenu o stanju staze objavljuje prije početka žrijebanja svim takmičarima , odnosno ekipama.

### **Član 9.**

Za vrijeme takmičenja, za svakog takmičara mora biti osiguran prostor za takmičenje (ring, krug, box) od najmanje 10 metara, a najviše 30 metara. Točne dimenzije prostora za takmičenje (ringa, kruga, boxa) dogovorit će se zajedno s tehničkom komisijom.

Svaki prostor za takmičenje (ring) mora biti dobro označen i uređen tako da je odvojen od gledatelja; zato se može upotrijebiti ograda ili se prostor može označiti konopcima na odgovarajućoj udaljenosti od obale (preporuka je 10 metara); isto tako, mora se osigurati odvojeni prolaz koji će upotrebljavati službene osobe i taj prolaz mora biti postavljen između takmičara i gledatelja. Samo vođa ekipe-timski menadžer (Team manager) ili, ovisno o takmičarskoj stazi dvije ovlaštene osobe iz pojedine ekipe imaju pravo ulaska u prostor za takmičenje (ring) člana svoje ekipe.

### **Član 10.**

Startna mjesta moraju biti jasno označena i obilježavaju se u jednom sektoru od 1 do «N! u zavisnosti od broja takmičara u tom sektoru i postavljaju se na tekućim vodama **uzvodno** od broja **jedan (1)** u sektoru, a na stajacim vodama (jezerima) **desno** od broja **1** u sektoru u smjeru kazaljke na satu.

Svako startno mjesto organizator takmičenja – domaćin mora obilježiti najmanje 1 sat prije početka žrijebanja.

### **Član 11.**

Kod ekipnog takmičenja PRVA LIGA , i KUP SRS BiH , radi što ravnomjernijeg rasporeda takmičara određuju se sektori ( broj sektora je isti kao i broj članova ekipe, 3-5),tako da u svakom sektoru bude samo po jedan član iz svake ekipe. Sektori se obilježavaju slovima **A, B, C, D, E** i moraju na početku i na kraju svakog sektora biti propisane table kojim je označen početak i kraj sektora. Startna mjesta u sektoru mogu biti označena istim brojevima **1** do «**N**» .

## **3. OPŠTA PRAVILA TAKMIČENJA – ZA POJEDINCE I EKIPE**

### **Član 12.**

Takmičiti se mogu pojedinci ili ekipe koji su registrirani na vrijeme kod Komesara lige, imaju ovjerenu takmičarsku knjižicu od strane entitetskog saveza ili SRS BIH, a čija su društva ili entitetski savezi prema SRS BiH ispunili do početka takmičenja sve obveze, prije svega finansijske.

### **Član 13.**

U slučaju ekipnog takmičenja u dva ili više kola, kada ekipa ima pravo zamijeniti jednog ili više članova, isto to može uraditi samo sa takmičarom koji je prijavljen na početku takmičenja da će se takmičiti i mora biti uredno registrovan za tu ekipu . U toku jedne takmičarske sezone takmičar se može takmičiti samo za jednu i biti registrovan samo za jednu ekipu.

Ovo pravilo važi za sve kategorije takmičenja.

Za ekipu se ne može takmičiti član za koga nije ovjerena takmičarska knjižica za tekuću godinu.

Takmičar koji je diskvalificiran ili nije nastupio dobiva **+1** poen iza posljednjeg u sektoru ( koji je pun)

Postupanje suprotno odredbama ovog člana povlači disciplinsku odgovornost takmičara i ekipe i moguću odgovornost odgovornih osoba na provođenju SRT.

## **REGISTRACIJA SVIH UČESNIKA SRT**

### **Član 14.**

**16.1.** Za sva takmičenja na nacionalnom nivou obavezna je registracija takmičara i ekipa. Visinu registracije utvrđuje Upravni odbor SRS BiH svojom odlukom.Za sve kategorije ekipa i takmičara je obavezna prijava i registracija, najkasnije mjesec dana prije početka prvog kola lige ili takmičenja, uz obavezno predocjenje osobnih dokumenata ili rodnog lista kod mlađih kategorija, za dokaz identiteta, a na takmičenju, potpisom na prijavu,ostvaruju pravo da učestvuju na takmičenju i to na vlastitu odgovornost. Takmičari i vođe ekipa moraju poznavati pravila,a nepoznavanje istih ne oslobađa odgovornosti.

**16.2.** Ova registracija je obavezna i za ostale učesnike SRT,trener,pomoćnik,vođe ekipa, bez koje neće moći uzeti učešće i pomoći svojim takmičarima ili ekipi u ostvarenju rezultata na SRT. Registracija se uplati Entitetskim SRS u spomenutom roku, a na žiro račun SRS BIH za takmičare disciplina koje nemaju Entitetski savezi.

**16.3.** Na Otvorenim i Kup takmičenjima SRS BIH, koja se odigraju u jednom danu, i na ostalima takmičenjima, u slučaju hitne zamjene, pomoćnika , vođe ekipe ili trenera , dozvoljena je registracija na dan održavanja takmičenja

### **Član 15.**

Za učešće na sportsko ribolovnim takmičenjima u svim ligama i na KUP takmičenjima Upravni odbor sportsko ribolovnog saveza može propisati za tekuću godinu kotizaciju , Ako se ne propiše kotizacija troškovi liga se pokrivaju iz tekućih prihoda SRS BiH i moraju za domaća Prvenstva, Lige i KUP takmičenja biti u finansijskom planu saveza posebno iskazaniu finansijskom planu saveza ,a u prikupljanju i trošenju sredstava moraju biti u prioritetu takmičenja nad međunarodnim nastupima.

### **Član 16.**

**18.1.** U slučaju ekipnog takmičenja u dva ili više kola , ekipa ima pravo zamijeniti jednog ili više članova i u toku samog takmičenja. Isto to može uraditi samo sa takmičarom koji je prijavljen kao rezerva na početku takmičenja. Takmičari ili članovi neke ekipe, koji nisu prijavljeni domaćinu ili SRS BiH za takmičenje do utvrđenog roka ,ne mogu se takmičiti.

**18.2.** Ako takmičar ima ribolovnu dozvolu i član je više udruženja u BiH, u jednoj takmičarskoj godini, može se takmičiti samo za jedno udruženje / ekipu, i ovo pravilo važi za sve kategorije i discipline koje organizira savez u tekućoj godini.

**18.3.** Tijekom jedne takmičarske sezone, takmičar se može takmičiti samo u jednoj kategoriji, / ili invalid, senior.../ , osim takmičara mlađih kategorija koji po pravilu mogu dopuniti starije kategorije u ekipnoj konkurenciji.

**18.4.** Postupanje suprotno odredbama ovog člana povlači disciplinsku odgovornost takmičara i ekipe i moguću odgovornost odgovornih osoba na provođenju SRT.

## **KALENDAR SPORTSKO RIBOLOVNIH TAKMIČENJA**

### **Član 17.**

Takmičarska komisija utvrđuje prijedlog Kalendara takmičenja za svaku takmičarsku godinu do kraja tekuće godine, za narednu godinu, vodeći računa o praznicima, da se domaća takmičenja ne preklapaju sa međunarodnim svjetskim i evropskim prvenstvima,, KUP-ovima Jadransko podunavskih zemalja za disciplinu za koje se provodi takmičenje.

Također u izradi Kalendara moraju se u granicama mogućnosti poštivati termini tradicionalnih KUP takmičenja koja provode SRD i na kojima će nastupiti veći broj ekipa iz inostranstva, ali pod uslovom da je taj termin dostavljen pravovremeno Takmičarskoj komisiji pismenim putem i ovjerom ovlaštene osobe u SRD.

### **Član 18.**

Suglasnost na Kalendar takmičenja daje Upravni odbor SRS BiH , a za njega moraju u finansijskom planu SRS BiH osigurana sredstva, u protivnom takmičenja se moraju otkazati i ne smije se vršiti nikakvo zaduživanje za provođenje liga , ako sredstva nisu osigurana iz sigurnih izvora.

## **4. PRIBOR ,PRIMAMA I PONAŠANJE UČESNIKA TAKMIČENJA**

### **Član 19.**

Takmičenje se obavlja slijedećim priborom:

**a/** Štap slobodnog izbora, fider , piker ili barbel stapovi sa sprovodnicima, izmjenljivim quiver vrhovima i montiranom mašinicom, do najveće dužine od 4,5 metara,

Svaki takmičar može pri ruci imati neograničen broj štapova, ali tokom takmičenja smije loviti samo sa jednim. Vrhovi rezervnih štapova moraju biti okrenuti kontra štapa u lovnoj poziciji.

**b/** Konac-najlon je slobodnog izbora, Upotreba upredenica je zabranjena.

**c/** Mogu se koristiti hranilice tipa „open end“ (kavezne i dr.) i „blockend“ (maggot) tipa, koje moraju imati otežanje, (ne smiju suspendovati ili plutati).

Metod hranilice, nisu dozvoljene. Maksimalna dužina hranilice iznosi 7 cm, a prečnik 5 cm **minimalne težine 15 g.**


**d/** Udica-jedna, jednokuka slobodnog izbora. Najveće veličina udice je br.10, a maksimalni razmak između vrata i vrha udice mora biti 7mm.

Sistem mora biti tako montiran da osnovno olovo – hranilica, dno hranilice, kako je prikazana dolje na skici, bude od udice razmaka od najmanje 50 cm. Najmanja dozvoljena težina olova , hranilice je 10 grama. Razmak između udice i hranilice ne smije biti veći od 2,00 metra.

**e/** Mrežu čuvaricu –prečnika min. 40 cm , najmanje dužine 3 m ,koja za vrijeme takmičenja treba ležati što više u vodi. (1,5 m) Mreže se stavljaju u vodu nakon kontrole pribora i odobrenja sektorskog sudije. Ribe se moraju držati žive u čuvarici.

**f/** Meredov-sak, slobodnog izbora koji može koristiti samo takmičar.

### **PRIMJER PRAVILNOG I NEPRAVILNOG SISTEMA ZA ULOV RIBE FEEDER TEHNIKOM**



### **Član 20.**

Svaki takmičar će imati 90 minuta za pripremu. Po dolasku na lice mjesta (startno mjesto) mora staviti na leđa startni broj i položiti svoje stvari u dodijeljeni box bez ulaska u isti. Nije dozvoljeno pripremati ništa sve dok se ne označi oficijelni start, koji znači da takmičar može ući u startno mjesto-box. Tokom vršenja priprema za takmičenje, takmičaru može pomagati pomoćnik - osoba iz njegovog tima, koja mora biti prijavljena za taj zadatak u za to određenom obrascu. Sav materijal će biti prosljeđen takmičaru do početka kontrole hrane i pribora, ali samo kroz pomoć lica zaduženog za to. Poslije signala za kontrolu hrane i pribora, strogo je zabranjeno vršiti snadbijevanje takmičara bilo kakvom vrstom mamaca, kao i ostalom opremom za takmičenje, osim dostavljanja zamjene za polomljene i oštećene dijelove opreme, koji mogu biti samo zamijenjeni kroz angažman lica predviđenog za to uz prethodno odobrenje sektorskog sudca.

### **Član 21.**

Hrana za primamljivanje treba da se sastoji samo od prirodnih supstanci. Isto važi za eventualna sredstva za opterećivanje (kamen, pijesak, zemlja).

Ukupna dozvoljena količina navlažene hrane je 15 litara, uključujući dodatke (zemlja, šljunak, kukuruz, pšenica, konoplja i dr.) organizator može promijeniti ili ograničiti količinu hrane uz saglasnost TK, selektora i domaćina ali to mora biti najmanje 15 dana prije takmičenja ili pozivima upućenim takmičarima i ekipama..

Ukupna dozvoljena količina živih mamaca je 2 litara bez presanja , od čega može biti maksimalna količina ½ litra cijelih glista (ne isecanih) i ½ litre larvi komaraca (fuj i ver de vasa), od čega maksimum ¼ litara ver de vasa.

Poslije kontrole hrane, mogući višak hrane (preko 10% se kažnjava diskvalifikacijom) se odstranjuje izvan startnog mjesta i kažnjava se diskvalifikacijom naknadno uzimanje i dodavanje.

**Mjerenje dubine vrši se isključivo olovnim utegom, upotreba hranilice nije dozvoljena do početka hranjenja. Radi preciznog obilnog hranjenja, koje se vrši samo sa hranilicom, dozvoljeno je markerom obilježavati strunu. Ribolov olovnim utegom je zabranjen.**

Treneri i pomoćnici mogu pripremati hranu takmičarima van boxa do vremena predviđenog za kontrolu. Hrana se kontrolira u rastresitom stanju navlažena i prosijana. Mamci se mogu miješati sa hranom tek poslije kontrole. Kontrolu sprovodi obavezno sektorski sudija, ili još jedan član koga odredi Glavni sudija. Organizator može promijeniti, ili ograničiti količinu hrane za primamljivanje, uz suglasnost TK, selektora i trenera reprezentacije, ali to mora objaviti najmanje 15 dana prije početka takmičenja ili pozivima upućenim takmičarima i ekipama.

Tokom kontrole hrana i mamci moraju biti predstavljeni i pokazani u za to određenim posudama (kutijama) koje su baždarene i određene kroz službene dimenzije.

Takmičari su obavezni da sami nabave vlastite gradirane, posude za hranu za primamljivanje i posude ili kutije za mamce, odgovarajućih veličina, osim ako iste svi takmičari nisu dobili od organizatora takmičenja.

Takmičar mora obavezno prisustvovati kontroli količine mamaca i hrane za primamljivanje ribe. Takmičaru kom nije izvršena kontrola hrane, ne može početi sa takmičenjem.

Prosijavanje (kroz krupno ili sitno sito, meredov) kao i mješanje hrane (ručno ili električnim mikserom) poslije provjere hrane je strogo zabranjeno.

Dovlaživanje hrane, nakon provjere iste, jedino je dopušteno upotrebom prskalice koja se koristi i za osvježavanje mamaca. Tada se u prskalici koristi samo voda bez dodatnih aditiva. Ukoliko takmičar želi i aditive da stavi, to mora da prođe kontrolu hrane i da bude u granici dozvoljenih 12 litara.

## **Član 22**

**Za lov ribe udicom feeder tehnikom, dozvoljena je upotreba mamaca; crvi pinkiji i škoti, kasteri, gliste, kukuruz, fuj i ver de vas, osim:**

- varalica (binker) živih i mrtvih ribica, imitacije ikre, kruha, tijesta, mješavina supstanci, boila, vještačkih mamaca, imitacije crva, vještačkih mušica, paleta i slično.
- **Zabranjen** je lov s namjerom takmičara da ribu zakači za tijelo (raubovanje). Riba slučajno zakačena na drugo mjesto, a ne ustima, broji se kao ulov.
- **Zabranjeno** je prihranjivati peletama, boilama, narezanim mesnim nareskom, raznim kobasicama, narezanim sirom, stočnom, psećom i mačjom hranom i sl.
- **Zabranjeno** je prihranjivati živom ili mrtvom ribom kao i njezinim dijelovima, korištenje ribljih jajašaca i drugim životinjskim vrstama (rakovi, žabe...) kao i njihovim dijelovima.
- Svaki mamac mora biti zakačen na udicu. Sistem na dlaku, lijepljenje mamaca oko udice i sl. je **zabranjeno**.
- **Zabranjena** je upotreba raketa i pva mrežica, te hranjenje rukom ili praćkom.

## **Član 23.**

Prostor svog startnog mjesta takmičar može koristiti po sopstvenoj volji, da se kreće, da stoji, kleči ili sjedi, ne ometajući pri tome susjedne takmičare bukom, glasnim komentiranjem, kretanjem ili slično.

U neutralnu zonu (ako je postavljena) koja se nalazi lijevo i desno od njegovog startnog mjesta ne smije ulaziti niti u njoj hraniti niti loviti ribu.

Riba koja se pokazala na površini a uhvaćena u neutralnoj zoni ili u susjednom takmičarskom mjestu kada je ustanovljen i dosuđen fish out neće biti bodovana nego se mora vratiti u vodu. U slučaju da takmičar

ovo odbije i stavi ribu u svoju mrežicu dobit će žuti karton, a ulovljena najveća riba iz njegove mrežice će se posebno izvagati i dobivena vrijednost oduzeti od ukupnog ulova tog takmičara.

S dopuštanjem oba takmičara i sudca, neutralnu zonu mogu koristiti fotografi i kamermani, s tim da njihovo vrijeme boravka u istoj ne može biti duže od 15 minuta.

Ako nema neutralne zone, onda sva ograničenja važe za startno mjesto susjednih takmičara, s tim da fotografi i kamermani, poslije odobrenja, smiju ući u box i prići najbliže 2 metra do takmičara (radi ometanja takmičara).

Za vrijeme takmičenja takmičaru se zabranjuje ulazak u vodu osim da dohvati puknuti dio štapa.

Također je zabranjeno bacanje ostataka hrane i mamaca u vodu nakon završenog takmičenja i treninga.

#### **Član 24.**

Mreža za čuvanje ribe mora biti tako postavljena da je sudije mogu vidjeti. Riba u njoj mora se držati živa, sve do dolaska ekipe za vaganje.

Nije dozvoljeno koristiti mrežu u koju riba može ulaziti sama.

#### **Član 25.**

Takmičari moraju poštivati minimalne mjere ulova propisane Zakonom o slatkovodnom ribarstvu entiteta ili DB, na čijoj se teritoriji održava takmičenje. Te veličine i eventualna odstupanja moraju biti određeni tokom sastanaka, vođa ekipa ili naznačena u satnici koja se objavljuje na WEB SITE prije samog takmičenja.

Svaki takmičar koji povrijedi ribu prilikom vaganja biti će za to sankcioniran-kažnjen.

#### **Član 26.**

Od svakog takmičara i vođe ekipe se traži poštovanje pravila takmičenja u suprotnom biti će sankcionirani prema ovom Pravilniku i odredbama Pravilnika o disciplinskoj odgovornosti.

Takmičarima nije dozvoljena upotreba radio stanica, mobilnih telefona niti drugih sredstava veze za vrijeme pripreme i samog toka takmičenja sve do početka mjerenja ulova, a i onda samo ako to ne remeti rad tima za mjerenje.

#### **Član 27.**

Višak hrane koji je veći od dozvoljenog, kao i hrane preostale nakon takmičenja a koju posjeduje takmičar, ne smije se bacati u vodu poslije treninga ili završetka zvaničnog takmičenja.

#### **Član 28.**

Uhvaćena riba je valjana čak i ako je slučajno zakačena van usta. Hvatanje i vađenje ribe neugodnog mirisa je zabranjeno. Posjedovanje i korištenje eho sonara je zabranjeno.

#### **Član 29.**

Trener ili vođe ekipa imaju pravo i ovlašteni su da pristupe kod takmičara svog tima da bi mu dali savjete i mogu neograničeno dugo boraviti u boks u sa njim. Samo jedan od njih može biti u boks istovremeno sa takmičarom. Vođi ekipe ili treneru nije dozvoljeno da ulazi u boks takmičara koji nije član njegove ekipe.

Vođe ekipa mogu upotrebljavati mini radio stanice za komunikaciju sa članovima pratećeg tima, ali ih moraju isključivati kada ulaze u boksove takmičara.

#### **Član 30.**

Platforme najvećih dimenzija 1x1 m su dozvoljene da bi takmičar stajao ili sjedio na istim. One moraju biti postavljene u pravoj liniji, van vode, a ako je neophodno samo djelimično u vodi ( ova odluka se donosi na zahtjev organizatora, a uz odobrenje TK SRS BiH). Dodatne platforme mogu biti postavljene u pravoj liniji sa glavnom platformom, od montažnog materijala, tako da kasnije ista može biti uklonjena sa staze.



U slučaju da ima potrebe da se izvrši poravnanje površine za sve takmičare, duž mjesta takmičenja, tako da bi svi imali jednake uslove takmičenja ( bili svi na istoj udaljenosti od vode ) isto će biti urađeno i završeno prije no što starta trening za takmičare.

## **5. PRIPREMA ZA TAKMIČENJE I IZVOĐENJE TAKMIČENJA**

### **TRENING**

#### **Član 31.**

Službeni trening se mora održati na mjestu održavanja službenog takmičenja. Ako je takmičenje u dva kola subota i nedjelja, trening se održava u petak prema utvrđenoj satnici koja je ranije objavljena. Domaćin je obavezan da svim takmičarima omogući trening na stazi za takmičenje.

Na svim takmičenjima, za pripremu, takmičar mora imati na raspolaganju 60 minuta, a najviše 120 minuta. Ako se svim takmičarima osigurane platforme onda se na ovo vrijeme dodaje i vrijeme potrebno za njihovo montiranje i postavljanje.

### **TIJEK TAKMIČENJA**

#### **Član 32.**

Čim su nakon ždrijebanja od svog kapitena dobili startne brojeve, takmičari mogu otići na takmičarsku stazu, ostaviti svoje stvari u unutrašnjem ograđenom dijelu startnog mjesta - boxa, ali ne mogu još ulaziti u isti. Na trenirci ili takmičarskom odijelu moraju vidno postaviti oznaku startnog broja.

Jedna ili više osoba mogu pomoći takmičaru kod transporta pribora i hrane do startnog mjesta, ali i za njih važi zabrana ulaska u ograđeni prostor. Pribor ne smije biti montiran, a hrana za primamljivanje mora biti u rastresitom stanju, i može biti navlažena.

Ukoliko je takmičaru potrebna voda, a želi je uzeti sa staze mora poštivati slijedeću proceduru:

-javlja sektorskom sucu da mu je potrebna voda

-sudac mu sam može donijeti vodu pritom silazeći na startno mjesto natjecatelja

-sudac može pustiti natjecatelja da sam uzme vodu, ali se mora kretati u neutralnoj zoni između startnih mjesta

-ako te zone nema, onda se do vode spušta u svom startnom mjestu neposredno pored obilježavajuće trake ili konopa, nikako po sredini startnog mjesta.

**PRVI SIGNAL** se daje kada i posljednji takmičar stigne do svog startnog mjesta i on označava početak pripreme, koja traje 90 minuta, a daje ga Vrhovni ili Glavni sudija pištaljkom ili megafonom ili sl.

Signal je kratak i za sve je mjerodavan početak starta. Poslije ovog signala je dozvoljen ulazak na startno mjesto i takmičar može da počne sa montiranjem pribora, pripremom hrane i mamaca, kontrolu i pretraživanje mjesta za ribolov, čišćenjem terena i drugim pripremanjima. Takmičaru je dozvoljeno da priručnim alatom, (grablje i sl.) očisti startno mjesto, i mjesto za ribolov, ispred sebe, bez diranja dna i zamućivanja vode. (uklanjanje granja i sl.)

Takmičar sve mora pripremati sam bez pomoći sa strane sa izuzetkom pomoći kod pripreme hrane van boxa od strane pomoćnika do vremena za kontrolu hrane i pribora.

Pribor u kome takmičar priprema hranu ne smije se u toku pripreme prati u vodi u kojoj se odvija takmičenje, niti takmičar smije gaziti po vodi u okviru startnog mjesta.

**DRUGI SIGNAL** - Pet minuta do kontrole mamaca i hrane.

**TREĆI SIGNAL** - je početka kontrole mamaca i hrane za primamu i to 45 minuta prije početka takmičenja..

Kontrola mamaca i hrane za primamu uvijek počinje od startnog broja 1 ( jedan ).

Nakon provjere hrane i mamaca pa do obilnog hranjenja upotreba prskalice je dozvoljena samo za ljepljenje i očuvanje mamaca.

Od provjere do obilnog hranjenja zabranjeno je vlaženje hrane i zemlje (npr. aditivima) rukom, posudom, spužvom, špricom, prskalicom i sl.

Nakon obilnog hranjenja, hrana i zemlja se smiju vlažiti samo prskalicom.

**ČETVRTI SIGNAL** Nakon četvrtog signala takmičarima je dozvoljeno da počnu sa obilnim prihranjivanjem, za što im je dozvoljeno 10 minuta. U okviru tih 10 minuta, takmičarima je dozvoljeno da namamljuju ribu većim količinama hrane, Ulaženje u vodu, kao i upotreba plovila na daljinsko upravljanje i bilo kakvih drugih naprava nisu dozvoljeni.

Prilikom teškog hranjenja kao i prilikom samog takmičenja upotreba „markera“ ili sličnih naprava koje obilježavaju hranjenu zonu nije dozvoljena

**PETI SIGNAL** označava početak takmičenja. Poslje ovog signala koji označava početak takmičenja, dozvoljeno je samo hranjenje uz pomoć hranilice, čiji je kapacitet ogranočen na 1 dl. Zabacivanje sistema se vrši isključivo preko glave.

Sistem mora biti klizni tj. da hranilica slobodno klizi po najlonu kako bi se u slučaju pucanja sistema riba što lakše mogla osloboditi hranilice.

Zabranjena je upotreba stopera između hranilice i role.

Na montažama i sistemu dozvoljeno je koristiti najlonski shock leader kako bi se spriječilo pucanje glavnog najlona kod zabacivanja. Kopča za hranilicu i vrtilica s kopčom moraju slobodno prelaziti preko čvora shock leadera i glavnog najlona.

Zabranjena je upotreba method, elasticated, in-line, shotgun, plivajućih i hranilica bez otežanja te anti-tangle i sličnih cjevčica.

Prilikom lova, štap mora stajati na prednjem držaču. Uočavanje udarca obavlja se isključivo posmatranjem vrha štapa. Nije dozvoljena upotreba elektronskih indikatora kao ni mehaničkih pomagala za signalizaciju, kao što su zvonca, prstenovi, »bobine« i bilo kakve druge naprave te namjene. Isto se odnosi i na vrijeme treninga.

**ŠESTI SIGNAL** se daje pet minuta prije završetka takmičenja kao upozorenje da je takmičenje pri kraju.

**SEDMI SIGNAL** označava kraj takmičenja. Nakon tog signala takmičari su dužni da prekinu sa ribolovom i da izvade pribor iz vode. Riba izvađena nakon ovog signala se ne boduje i vraća se u vodu osim ako je upecana riba u momentu sviranja kraja u potpunosti bila izvan

## **6. SLUŽBENE OSOBE NA TAKMIČENJU**

### **Član 33.**

Ostali organi takmičenja organizuju se konkretno, kako to propisuju Pravilnici za tu disciplinu, a odnose se na formiranje prije takmičenja i toku takmičenja: Sudijskog kolegija, Žirija takmičenja, Forum lige, selektora reprezentacije, a kako je to propisano Pravilnicima za konkretnu disciplinu.

**FORUM LIGE** je savjetodavno tijelo, koje biraju članovi lige, sastavljeno od Komesara, selektora i nekoliko takmičara, koje nastupa u ime lige, sa prijedlozima za što bolje provođenje takmičenja, i nastupa reprezentacije na međunarodnim takmičenjima. Može ga imati svaka takmičarska liga, te može podržati, dati prijedlog i mišljenje, oko imenovanja komesar lige, selektora i menadžera, preko TK.

### **Član 34.**

Službene osobe na takmičenju, imenuje Takmičarska komisija SRS BiH, na prijedlog Sudačke komisije, uz puno poštovanje sudačkih rangova i iskazanih kvaliteta, a to su:

- Delegat,
- Vrhovni sudac. Ako ima više kategorija takmičara za svaku se određuje po jedan Glavni sudac.
- Komesara -Sekretara / Tajnika,
- Sektorske sudce, 3 ili 5 - na prijedlog sudijskih komisija entitetskih saveza .

### **Član 35.**

#### **SUDIJSKI KOLEGIJ ČINE:**

- Glavni sudija
- Sektorske sudije
- Komesar - Sekretar/Tajnik takmičenja

Sudijski kolegij se sastaje po potrebi radi dogovora i striktnog provođenja pravila, usaglašavanja kriterija suđenja, usaglašava prijedloge izricanja disciplinskih mjera . O drugom ne odlučuje.

### **Član 36.**

#### **ŽIRI TAKMIČENJA**

Žiri takmičenja čine:

- Delegat takmičenja,
- Glavni sudija,
- Komesar - Sekretar /Tajnik takmičenja,
- Sektorski sudac prvog sektora,
- Sektorski sudija trećeg sektora,

### **Član 37.**

Članovi žirija moraju biti vidno označeni - imati akreditacije i moraju biti predstavljeni na početku takmičenja od strane vrhovnog sudije takmičenja. Mjesto gdje se nalazi jedan ili više članova žirija mora biti vidno označeno.

### **Član 38.**

Žalbe žiriju mogu biti izrečene usmeno, ali se moraju dostaviti Žiriju u pismenoj formi najkasnije 30 minuta po završetku takmičenja.

### **Član 39.**

Svako kršenje takmičarskih pravila, žalbe na klasifikaciju takmičara mora se prijaviti žiriju, koji je ujedno jedini zvanični autoritet, sa stvarnom vlašću koja može izvršiti diskvalifikaciju takmičara ili ekipe. Takmičar koji je predmet rasprave ili kazne o tome mora biti obaviješten, prije donošenja odluke a i o rezultatima zasjedanja po njegovoj disciplinskoj odgovornosti.

### **Član 40.**

Svi članovi žirija moraju se uvjeriti da se Pravila poštuju i moraju pokazati perfektno poznavanje njihove primjene, te u svakom trenutku insistirati na njihovoj primjeni.

Žiri svoje odluke donosi većinom glasova, a u slučaju neodlučnog glasanja, presudnu ulogu uvijek u donošenju konačne odluke ima glas Delegata takmičenja.

### **Član 41.**

Prigovori žiriju se najavljuju 15 minuta nakon objavljivanja rezultata, a pismena reklamacija se dostavlja za narednih 30 minuta uz uplatu 50 KM kaucije kod Sekretara/Tajnika takmičenja, koja će biti vraćena ako se utvrdi da je prigovor bio opravdan, u protivnom kaucija se uplaćuje u blagajnu SRS BiH.

### **Član 42.**

Kada istekne vrijeme predviđeno za prigovore ,na zvaničnom mjestu (oglasnoj ploči) objavljuju se zvanični rezultati takmičenja potpisani od strane Glavnog sudije , Delegata i sekretara / tajnika takmičenja. Izuzetno pravo na reklamaciju na težinu ulova i plasman imaju učesnici u slučaju da se naknadno ustanovi pogrešno upisivanje, zbrajanje i obračun rezultata i to kada god se to ustanovi. Greške takve vrste se moraju ispraviti čak i kada to znači da priznanja moraju drugačije biti dodijeljena.

## **KOMESAR TAKMIČENJA**

### **Član 43.**

Komesar takmičenja je sudija ujedno i sekretar takmičenja, službena osoba na takmičenju, odgovorna na takmičenju Delegatu takmičenja i Glavnom sudiji, a u svim drugim prilikama TK SRS BiH.

### **Član 44.**

U pripremama takmičenja i poslije takmičenja zadaci komesara takmičenja su slijedeći:

- Priprema satnicu takmičenja i objavljuje u službenim glasilima SRS BiH
- Priprema i objavljuje spiskove takmičara i ekipa za lige za koje je zadužen, objavljuje podatke o prijavama, odustajanjima sa takmičenja, poziva eventualne zamjene ekipa i takmičara, vodi dnevnik takmičenja i iste dostavlja Takmičarskoj i Sudijskoj komisiji SRS BiH.
- Ustroj lige koju vodi mora izvršiti najkasnije 15 aprila tekuće godine.
- Vršiti promjene termina takmičenja ili eventualnu odgodu takmičenja za ligu koju vodi uz konsultaciju sa TK SRS BiH i o tome putem WEB SITE ili telefonski obavještava takmičare ili ekipe
- Vršiti pripremu podataka za žrijeb takmičenja i na samom takmičenju sa Glavnim sudijom obavlja žrijeb takmičara i ekipa,
- Vršiti provjeru podataka za lige iz članova 7,14, 15, i 18 ovog Pravilnika vrše Komesar lige i isti su dužni da objave Poziv takmičarima i društvima da se prijave za takmičenja u tekućoj godini izvrše registraciju , potvrde to pismeno Komesaru lige, a isti objavi podatke na WEB SITE , najkasnije do 15. aprila tekuće godine.

Spiskovi treba da sadrže tačna imena takmičara, ekipa, tko ima pravo nastupa, tko su zamjene u ligi, te kontakt podatke , u slučaju odustajanja nekog takmičara ili takmičarke.

- Potrebna administracija vodi se u principu na računalu , a ako to nije slučaj dnevnike, startne liste osigurava SRS BiH u suradnji sa domaćinom takmičenja a Komesar lige ih je dužan donijeti na Takmičarski stazu, kao i obračunate poslati u roku od 7 dana po završetku takmičenja.
- Komesar lige po završetku takmičenja dužan je poslati kraći Izvještaj sa fotografijama administratoru WEB SITE , radi promocije lige, takmičara i uspjeha koji su postigli.
- Uz izvještaje Komesar lige/ sekretar je dužan dostaviti i original Dnevnike takmičenja TK SRS BiH u roku od 7 dana po završetku takmičenja.

### **Član 45.**

Svi takmičari i ekipe članovi Premijer lige BiH (pojedinačno) i Prve lige BiH (ekipno) te ekipe učesnice KUP-a BiH (ekipno takmičenje) dužni su poslati svoju prijavu organizatoru i Komesaru /sekretaru takmičenja), radi utvrđivanja preliminarne liste takmičara i ekipa. Rok za dostavu ove prijave je 30 dana prije održavanja takmičenja. Na sam dan takmičenja također ekipe trebaju dostaviti propisanu prijavu i eventualne izmjene u ekipama i predati je Komesaru/ sekretaru takmičenja radi pripreme žrijeba.

### **Član 46.**

Komesar/sekretar takmičenja prijavne listove dostavlja Delegatu takmičenja koji provjerava tačnost istih utvrđuje identitet takmičara i odobrava istim pristup na takmičenje tog dana. Vršiti se provjera takmičarskih podataka iz Takmičarske knjižice .

### **Član 47.**

Komesar /sekretar lige učestvuje u izradi prijedloga finansijskog plana osiguranja lige i svoje prijedloge dostavlja finansijskoj komisiji saveza putem TK SRS BiH.

## **SASTANAK VOĐA-KAPETANA-TRENERA EKIPA**

### **Član 48.**

Sastanak kapitena ekipa na takmičenjima održava se u predvečerje takmičenja ili prije samog takmičenja kako je naznačeno u satnici takmičenja, odnosno prije izvlačenja startnih brojeva. Njime rukovodi Glavni sudija uz obavezno prisustvo delegata, Komesara / Sekretara takmičenja, predstavnika domaćina i svih kapetana ekipa ili vođa ekipa.

Na sastanku se analizira satnica takmičenja i zahtijeva njeno striktno pridržavanje od strane svih učesnika takmičenja. Svim zainteresovanim, učesnicima predstojećeg takmičenja na prikladan način omogućiti uvid u satnice, dodatna pravila takmičenja, a svim učesnicima i ostale podatke vezane za takmičenje koji su relevantni i trebaju pojedincima i ekipama.

Svim takmičarima i vođama ekipa se po mogućnosti daje satnica takmičenja u pismenom obliku. u kojoj su navedeni načini i tehnika lova, ograničenja ulova pojedinih vrsta ribe itd.

## **ŽRIJEBANJE STARTNIH BROJEVA**

### **Član 49.**

Žrijebanje startnih brojeva za svaki dan takmičenja mora se obaviti najkasnije 180 minuta prije početka takmičenja, pod kontrolom organizatora Glavnog sudije i Delegata takmičenja.

Dodjela sektora za dva dana takmičenja za 5 takmičara, mora biti određeno žrijebanjem startnih mjesta, dan koji prethodi svakom sektoru, kao što se to radilo i prije.

Prije početka izvlačenja startnih brojeva, sekretar takmičenja uz pomoć Delegata dužan je izvršiti provjeru prijavljenih ekipa, kao i identitet članova ekipe i pojedinaca.

Eventualne promjene u sastavu ekipa, kapiten ekipe dužan je objaviti najkasnije kod provjere iz prethodnog stava. Nakon završenog žrijeb redosljeda izvlačenja, žrijeba sektora na kraju se pristupa žrijebu startnih brojeva (kombinacija).

Kod ekipnih takmičenja, prilikom žrijebanja ekipe se ne raspoređuju ravnomjerno (svi isti broj) nego se umjesto žrijebanja za svaki sektor posebno, raspored pravi pripremljenom kombinacijom za ekipe, te jednim izvlačenjem dobiju startni brojevi za cijelu ekipu koji obezbjeđuju ujednačen raspored, kao i to da jedna ekipa ne može imati više prvih ili posljednjih startnih mjesta u sektorima, koji mogu biti i odvojeni. Kod takmičenja u više kola, obezbjeđiti da prava prvog i posljednjeg startnog mjesta imaju sve ekipe ili pojedinci sve dok ima onih koji to pravo nisu iskoristili.

U slučaju da se takmičenje odvija u dva kola (subota i nedjelja) važi isti princip, s tim da će se izvlačenje za drugi dan izvesti obrnutim redosljedom izvlačenja.

U slučaju da svi sektori nisu jednako popunjeni zbog nekompletnosti ekipa ili učešća pojedinaca, onda sudije njima dirigovano određuju mjesta načelno u sredini, vodeći računa da sektor A mora biti popunjen, a razlika u broju takmičara u sektorima ne bude veća od 1.

### **Član 50.**

## **VAGANJE RIBE – ULOVA**

### **Član 51.**

**VAGANJE-** mjerenje ulova je vrlo bitna faza sportsko ribolovnih takmičenja, te je obaveza domaćina i organizatora da obezbjeđe dovoljan broj vaga (najmanje jedna vaga za jedan sektor na državnim takmičenjima plus jedna rezerva vaga. U pravilu jednom vagom mora biti izvagan cio jedan sektor. Ako je takmičenje do 35 takmičara vaganje se obavlja jednom vagom za sve takmičare na stazi. Za veći broj do 50 takmičara obavezne su dvije vage od kojih jedna vaga 3 a druga 2 sektora. U tu svrhu prije početka takmičenja Glavni sudija imenuje ekipu za vaganje koja broji 3 člana od čega je jedan Sektorski sudija iz sektora koji se vaga.

Sam postupak vaganja se obavlja vrlo pažljivo, ali organizovano tako da se vaga postavlja između 2 startna mjesta. Takmičari donose svoje čuvarice i uz pomoć **vagara** istresaju ribu u mrežu za vaganje, koja je ranije tarirana pa se nakon potpunog umirenja očitava i glasno saopštva težina ulova, što sektorski sudija evidentira u startni list takmičara. Sudija daje takmičaru startni list na potpis, nakon čega se riba u čuvarici takmičara ponovo vraća uvodu i čeka završetak vaganja za cijeli sektor.

Ako nakon vaganja ulova za sve takmičare u sektoru nema primjedbi riba se na glasno odobrenje sektorskog sudije pušta u vodu. Kada je vaganje ulova za sve takmičare u sektoru završeno, potpisom

ovjerene startne liste, sektorski sudija lično ili po nekom startnom sudiji šalje hitno sekretaru takmičenja koji kontroliše ispravnost startnih lista i unosi podatke u Dnevnik takmičenja (ili računar) radi obračuna plasmana. Podaci u startnom listu ne smiju biti križani i bez potpisa. Svaka nula se obilježava prekrštenom crtom da ne bude zabune koji je to broj.

#### **Član 52.**

Sva službena takmičenja, u slučaju jake elementarne nepogode takmičenje se može prekinuti u trajanju od najviše 60 minuta. Ukoliko se i nakon tog vremena ne mogu osigurati uslovi za normalan nastavak takmičenja, postignuti rezultati se obračunavaju, ako je prošlo najmanje 120 minuta takmičenja, a u protivnom takmičenje se odgađa i ponavlja. Posebnu pažnju sudije treba da obrate u slučaju nevremena sa grmljavinom, da zbog upotrebe grafitnih štapova koji su dobri provodnici električne energije odmah prekinu takmičenje, naredbe odlaganje štapova i napuštanje takmičarske staze dok nevrijeme ne prođe.

#### **Član 53.**

Prilikom takmičenja, svaki takmičar je dužan se pridržavati važećih propisa o lovostaju i minimalnim dozvoljenim mjerama za pojedine vrste riba. Organizator-domaćin takmičenja obavezan je u pozivu za takmičenje navesti na koje se vrste riba odnose propisi iz prethodnog stava.

### **7. SUĐENJE NA TAKMIČENJU**

#### **Član 54.**

Suđenje na sportsko ribolovnom takmičenju je skup radnji koje su dužne obaviti sudije, saglasno odredbama ovog pravilnika. Glavni sudija pravi raspored sudija na dužnosti adekvatno njihovim sudijskim zvanjima i sposobnostima. Kada je utvrđen raspored sudije se upućuju prema mjestima izvršenja zadatka i saglasno satnici takmičenja izvršavaju što im po terminima –satnici predstoji.

#### **Član 55.**

Suđenje na takmičenju organizira Glavni sudija, tako da za svakog takmičara postavlja jednog startnog sudca (ako su startnesudije planirane i angažovane), a za svaki sektor po jednog sektorskog sudca i 3 sudije za mjerenje ulova u svakom sektoru. Minimalan broj sudija na takmičenju je; ( Delegat, Glavni sudija, Komesar / Sekretar, te na svaki sektor po jedan sektorski sudija na max. 8 takmičara, preko 8 takmičara 2 sudija, preko 16 takmičara 3 sudija.

1. Nakon izvršenog mjerenja – vaganja, sudija vagar pušta ribu natrag u vodu.
2. Sektorski sudija po izvršenom vaganju upisuje podatke u Startni list, a takmičar i startni sudija potpisuju startnu listu. Poslije izvršenog vaganja i puštanja ribe nazad u vodu ne prihvataju se nikakve reklamacije po tom pitanju. Na startnom listu nisu dozvoljene nikakve ispravke, koje ne potvrdi sektorski sudija svojim potpisom. Ako nema svih potrebnih potpisa na na listi sekretar takmičenja tu listu ne smije obračunati i ona se mora predočiti Žiriju takmičenja..
3. Obrada podataka vrši se u principu na računaru, ili ručnim putem.

#### **Član 56.**

**GLAVNI SUDIJA** određuje broj **SEKTORSKIH SUDIJA**, (koliko ih je potrebno) sa zadatkom da organizuju i prate rad startnih sudija u svom sektoru. Ukoliko nisu imenovane startne sudije onda sektorski sudija obavlja sve zadatke u svom sektoru., s tim da prati najviše 8 takmičara, što znači da u slučaju većeg broja takmičara u sektoru imenuje još jednog ili više sektorskih sudija. Inače sektorski sudija svoj zadatak obavlja isključivo u sektoru za koji je imenovan.

#### **Član 57.**

Sa održanog takmičenja SRS BiH u roku od 7 dana, Komesar lige/ sekretar je dužan dostaviti komplet originalne Dnevnik takmičenja, Izvještaje Delegata i Glavnog sudije, sa svim ocjenama sudaca. Kod ocjene rada sudaca, više rangirani sudac, dodjeljuje ocjenu niže rangiranom sudcu, koju:  
-Umanjuje za jedan bod radi toga, ako sudac nema kod sebe Pravilnik te discipline.  
-Za dva boda kod nedoličnog ponašanja sudca, prema nekom od učesnika SRT, što povlači suspenziju od suđenja do kraja tekuće sezone, i  
-Sve niže ocjene od 3 (trojka) povlače suspenziju od suđenja na jednu godinu i pokretanje disciplinskog postupka kod prvostupanjskog organa, po Pravilniku o disciplinskoj odgovornosti

#### **Član 58.**

Sudijama pripadaju naknade za obavljeno suđenje na takmičenju i to:

- Sudijska taksa koju utvrđuje Upravni odbor SRS BiH za svaku godinu svojom odlukom,
- Dnevica prema Pravilniku o isplati putnih dnevnica u SRS BiH,

Troškovi prijevoza i noćenja za sudije van mjesta održavanja takmičenja, suglasno Pravilniku o isplatama za prijevoz i noćenja u SRS BiH,

Ostale naknade koje utvrdi UO (troškovi telefona ,materijalni troškovi itd)

### **ELEKTRIČNE BARIJERE**

#### **Član 59.**

Najstrože je zabranjeno postavljanje startnih mjesta na udaljenosti manjoj od 25 metara od električnih postrojenja i instalacija (visokonaponskih vodiča, transformatora, stupova javne rasvjete, itd).

### **MJERE U SLUČAJU VREMENSKIH NEPOGODA**

#### **Član 60.**

##### **a) KADA NEVRIJEME POČNE PRIJE ILI ZA VRIJEME PRIPREMA ZA TAKMIČENJE**

Niti jedan takmičar ne smije zauzeti svoje startno mjesto i pripremati svoju opremu; signalom će se označiti odgađanje pristupa na startna mjesta ili prekida priprema.

Ako to dopuste vremenske prilike i ako se uklapa u satnicu, takmičenje se može normalno odvijati ili se može skratiti (u svakom slučaju, mora trajati najmanje 1 sat). U slučaju vremenskih neprilika (oluja i sl.), žiri će proglašiti važećim krug-dan ukoliko je isti trajao najmanje 2 sata. Ako se vremenski uvjeti ne poboljšaju ili se to više ne uklapa u satnicu, cijeli se krug-dan takmičenja mora poništiti. Otkazani se više neće razmatrati.

Rang lista će se izraditi uzimajući u obzir otkazani dan. Otkazani neće biti ponavljani.

##### **b) KADA NEVRIJEME POČNE ZA VRIJEME TAKMIČENJA**

Posebним signalom, organizator će trenutno prekinuti takmičenje, u trajanju od najviše 60 minuta i svi takmičari moraju potražiti zaklon i odložiti štapove . Ako to dopuste vremenski uslovi, takmičenje će se nastaviti nakon signala kojim je dopušten povratak takmičarima na njihova startna mjesta.

Signal nakon toga, 5 minuta kasnije, dozvoljava takmičarima nastavak lova ribe.

Trajanje prekida takmičenja neće se računati u ukupno vrijeme takmičenja.

### **ANTIDOPING KONTROLA**

#### **Član 61.**

SRS Bi H se pridržava svjetskih pravila o antidopingu koje propisuje CIPS Konfederacija i Olimpijski komitet Bosne i Hercegovine.

Povodom prvenstva (Tokom prvenstva), takmičari se pozivaju na antidoping kontrolu kojoj obavezno moraju prisustvovati sa utvrđenim krajnjim rokovima, u skladu sa i Žirijskim direktivama. Pozvani takmičar, koji se ne odazove pozivu za kontrolu, bit će diskvalifikovan iz daljeg takmičenja i kažnjen. SRS BiH organizator prvenstva će snositi troškove antidoping kontrole, ako je ista naređena u skladu sa instrukcijama koje je na takmičenje dao Delegat takmičenja.

Ako nije naređena antidoping kontrola takmičara, a Delegat ili Glavni sudija utvrde da netko od takmičara, vođa ekipa, prije i za vrijeme takmičenja konzumira alkohol dužni su takvom takmičaru zabraniti takmičenje ili ga u toku samog takmičenja isključiti sa istog i to evidentirati u Izvještaj.

## **8. OBRAČUN REZULTATA NA TAKMIČENJU**

### **Član 62.**

Sektorski sudija je dužan nakon vaganja da startne liste u najkraće mogućem roku prethodno propisno potpisane od strane sudija i takmičara hitno dostavi sekretaru takmičenja.

### **Član 63.**

Ocjenjivanje rezultata vrši se tako da se 1 gram težine ulovljene ribe ocjenjuje se jednim poenom.

Kod pojedinačnih takmičenja u okviru Premijer lige u dva ili više kola, pobjednika određuje najmanji zbir sektorskih plasmana za tog takmičara.

Kod pojedinačnih takmičenja u jednom danu više osvojenih poena osigurava bolji plasman. U slučaju jednakog broja poena dva ili više takmičara, takmičari dijele mjesto, s tim da veći startni broj ima pravo na nagradu (predpostavlja se kao da su svi takmičari u jednom sektoru).

Kod ekipnog takmičenja za svaki se sektor posebno vrši obračun pojedinačnih sektorskih plasmana. Manji zbir sektorskih plasmana članova ekipe određuje bolji plasman te ekipe na tom takmičenju. ( najmanji zbir daje pobjednika).

Za Prvu ligu koja se organizuje u više kola zbir sektorskih plasmana iz svih kola određuju pobjednika Za KUP BiH zbir sektorskih plasmana članova ekipe daje pobjednika KUP-a BiH. prema uslovima iz prethodnog stava

Ako dvije ili više ekipa imaju isti zbir sektorskih plasmana, bolju ekipu određuje kriterij prema slijedećem redoslijedu:

- Ukupno veća težina ulovljene ribe (zbir poena svih takmičara ekipe) i
- Veća pojedinačna postignuta težina ulova

Ako je takmičenje ujedno ekipno i pojedinačno onda se za pojedince utvrđuju plasmani u svakom sektoru takmičenja, odnosno ukupnoj konkurenciji.

Kod ekipnog takmičenja (u PREMIJER LIGI) ili KUP BiH u dva kola subota / nedjelja i takmičenja u više kola lige, pobjednik je ekipa sa najmanjim zbirom sektorskih plasmana iz svih kola lige. U slučaju istog zbira važe kriteriji ekipnog takmičenja. Takmičari koji su nastupili samo u jednom kolu ( to jest ako je ekipa ubacila rezervu ) boduju se u pojedinačnom plasmanu za dan kada nisu nastupili kao da su bili posljednji u punom sektoru „A“ ( tako zbirom dobivaju svoj plasman, samo kada se to proglašava).

### **Član 64.**

Takmičari koji su u sektoru postigli istu težinu ulovljene ribe, dobivaju prosjek njihovih plasmana, s tim da prednost kod dodjele priznanja ima veći startni broj.

**PRIMJER:** 1. Dva takmičara na 7. mjestu dobivaju:

$$7+8=15:2= 7,5 \text{ poena za plasman}$$

2. Tri takmičara na 9. mjestu dobivaju:

$$9+10+11=30:3=10 \text{ poena za plasman}$$



Takmičari koji u sektoru ništa ne ulove to jest ostvare 0 (nula) poena ulova dobivaju prosjek poena neraspoređenih plasmana u sektoru. Odnosno ako u sektoru samo jedan takmičar ostvari 0( nula) poena ulova, dobiva onoliko poena ( plasman) koliko odgovara zadnjem mjestu.

- Primjer:**
1. Od 29 takmičara 14 ih je plasirano prema poenima iz lova od 1-14, ostalih 15 sa 0 poena dobivaju  $15+29=44:2= 22$  poena za plasman
  2. Od 29. takmičara 5 ih je plasirano prema poenima ulova 1-5, a ostalih 24 sa 0 poena dobivaju:  $6+29=35:2=17, 5$  poena za plasman.
  3. Od 29. takmičara 26 ih je plasirano prema poenima iz ulova od 1- 26 ostalih 3 sa 0 poena ulova dobivaju  $27+29=56:2 = 28$  poena za plasman
  4. Od 29 takmičara 28 ih je plasirano prema poenima iz ulova od 1-28 jedan takmičar je sa 0 poena, dobiva 29 poena za plasman

#### **Član 65.**

Takmičenje se provodi pojedinačno ili ekipno u sektorima i traje 5 ( pet ) sati.

U slučaju prisilnog prekida takmičenja (to jest oluje ili , nevremena) žiri će odobriti priznati takmičenja u sektoru pod uslovom da je trajalo najmanje 2 sata.

U slučaju da vremenski uslovi ne dozvoljavaju takmičenje prvi dan, žiri može odlučiti da otkáže taj dan.

Otkazani dan neće biti razmatran u ukupnom plasmanu.

#### **Član 66.**

Od svakog takmičara očekuje se strogo pridržavanje pravila takmičenja i poštivanje fer pleja u takmičenju

### **9. KAZNE NA TAKMIČENJU**

#### **Član 67.**

**ŽUTI KARTON** (opomena) sudac uručuje takmičaru i drugim učesnicima ako se ne pridržava općih pravila takmičenja:

- gazi po vodi za vrijeme takmičenja
- Ne poštuje signale, pruža ili prima nedozvoljenu pomoć, oštećuje ribu, namjerno baca višak hrane u vodu, hrani i lovi u tuđoj zoni, ulazi u startno mjesto drugih takmičara
- svojim ponašanjem ometa lov drugih takmičara
- verbalno vrijeđa službene osobe
- koristi nedozvoljeni pribor
- stvara nepotrebnu buku

U tijeku takmičarske sezone, žuti kartoni se akumuliraju, što znači da takmičar, koji dobije drugi žuti karton, slijedeće kolo lige ne lovi, a bodovi mu se obračunavaju po Članu 75. ovog Pravilnika. **Primjer:** takmičenje se provodi u 6 kola, na prvom i drugom kolu takmičar dobije po jedan žuti karton. Kažnjava se sa ne nastupanjem u trećem kolu i nastavlja sa takmičenjem u slijedećem kolu, a kod ekipnog takmičenja, se u ekipu uvidi zamjena. Ova dva dobivena žuta kartona se ne uvode kao dobiveni crveni karton.

#### **Član 68.**

**CRVENI KARTON** ( diskvalifikacija) daje se za ponavljanje bilo kog prekršaja iz članka 70 ovog Pravilnika i za:

- lovi ribu sa zabranjenim priborom, mamcima, viškom primame 10% i načinom lova,
- nema čuvaricu i ribu stavlja u kese ili slično,.
- za vrijeme takmičenja konzumira alkohol ili neka opojna sredstva
- vrijeđa službene osobe i predstavnike domaćina ili izazove fizički obračun.
- napravi prekršaj , a već na istom takmičenju ima žuti karton. Crveni karton znači da obavezno gubi pravo nastupa u narednom kolu, mora dati izjavu Delegatu takmičenja i biti će podvrgnut sankcijama po Pravilniku o disciplinskoj ( stegovnoj ) odgovornosti, koji je donio Upravni odbor SRS BiH

#### **Član 69.**

Sudijски kolegij verifikuje dodjeljene žute kartone, a žiri takmičenja verifikuje date crvene kartone. Glavni sudija i Delegat moraju u svom izvještaju obvezno navesti :razloge dodjele žutih kartona i crvenih kartona, te uzeti izjavu takmičara kome su dodijeljene kazne. Ako takmičar ili bilo koji učesnik takmičenja kome je dodijeljen crveni karton ne želi dati izjavu, to se konstatira u izvještaju delegata takmičenja i uzima mu se kao otežavajuća okolnost pri izricanju mjere o disciplinskoj odgovornosti.

#### **Član 70.**

Takmičar koji je kažnjen isključenjem sa takmičenja (crveni karton) ostaje bez plasmana, odnosno tretira se kao da nije nastupio na tom takmičenju i dobija +1 poen iza posljednjeg takmičara u punom sektoru „A“, dok ostali članovi ekipe ostvaruju plasman na osnovu postignutog rezultata.

U slučaju da diskvalifikacija takmičara uslijedi nakon obračuna plasmana, sljedeći plasirani takmičari zadržavaju svoj plasman (primjer X plasiran na 8 mjestu je diskvalifikovan, sljedeći plasirani takmičar zadržava svoj plasman i dobiva 9 poena, sljedeći 10 poena itd.

Kod pojedinačnog takmičenja u okviru PREMIJER LIGE takmičaru koji nije nastupio drugi dan ( ili u nekom od kola lige) obračunava se rezultat +1 poen iza posljednjeg u punom sektoru „A“, odnosno na posljednjem je mjestu ukupnog broja takmičara.

#### **Član 71.**

Takmičar koji neopravdano napusti PREMIJER ligu ili ekipa koja napusti PRVU LIGU u toku takmičenja, kaznit će se zabranom takmičenja od 1 godine na svim zvaničnim takmičenjima koje organizira SRS BiH, a ako se radi o reprezentativcu zabrana važi za nastup u reprezentaciji od godinu dana. Postupak pokreće Takmičarska komisija ili Komesar lige.

#### **Član 72.**

Zbog težih povreda ovog Pravilnika, nacionalističkih i drugih ispada : pojedinaca, takmičara , vođa ekipa, trenera i drugih učesnika takmičenja, svi prekršioци, kaznit će se zabranom nastupanja na zvaničnim takmičenjima u trajanju od 1-2 godine ili trajnom zabranom nastupa na takmičenjima koje organizira SRS BiH. Pokretanje postupka vrši Delegat takmičenja kroz svoj Izvještaj o održanom takmičenju u kom konstatira povrede odredbi ovog Pravilnika i traži u skladu sa Pravilnikom o disciplinskoj odgovornosti učesnika takmičenja , sankcionisanje svih koji su povrijedili ovaj pravilnik.

#### **Član 73.**

Na izrečene kazne koje je izrekla Takmičarska komisija ili Komesar lige u prvostepenom postupku, kažnjeni pojedinci ili ekipe imaju pravo žalbe Upravnom odboru kao drugostepenom organu u skladu s Pravilnikom o disciplinskoj odgovornosti koji je donio Upravni odbor SRS BiH.

### **10. PROGLAŠAVANJE I OBJAVA REZULTATA**

#### **Član 74.**

U pogledu plasmana reklamacije se mogu uložiti 20 minuta poslije zvaničnog objavljivanja rezultata. Vrijeme objavljivanja rezultata mora biti naznačeno u satnici takmičenja ili na drugom mjestu stazi, sastanku ili slično, a kod takmičenja u dva ili više dana – kola, rezultati toga dana moraju biti objavljeni svim učesnicima najkasnije 2 sata po završenom vaganju.

#### **Član 75.**

Po završetku takmičenja, najkasnije u roku od 3 sata obavlja se svečano proglašenje rezultata, ako su održana dva kola, na kraju drugog dana.

Domaćin takmičenja uručuje priznanja, a nakon održanog zadnjeg kola takmičenja u kalendarskoj godini uručuju se priznanja SRS BiH.

U pojedinačnim Premijer ligama prva 3 takmičara dobivaju medalje i diplome za osvojeno mjesto..

Pobjednik pojedinac dobija i pehar na kom piše tekst:

**» Šampion BIH u ULOVU RIBE za 20\_\_godinu i pobjednik PREMIJER FEEDER LIGE SRS BiH**  
Pored ovog teksta na peharu se upisuje , godina i kategorija na koju se odnosi, takmičenje.  
Prva tri takmičara ostvarila su automatski plasman u reprezentaciju BIH za narednu godinu.

Na kraju takmičenja u PREMIJER ligi i KUP-u BiH vrši se proglašenje rezultata za sva kola , a pobjednik lige dobija naziv:

**„EKIPNI PRVAK SRS BIH za GODINU 20\_\_ „**  
**POBJEDNIK KUP-a BIH za GODINU 20\_\_**

Prve tri ekipe dobivaju pehar, a članovi tih ekipa, rezerva i -trener ekipe, medalje i diplome.  
Na KUP SRS BiH za seniore i seniorke pobjednička ekipa dobiva zvanje dobiva pehar , a svi članovi ekipe , rezerva i trener ( 3+1+1)dobivaju medalje i diplome za osvojenom mjesto.

#### **Član 76.**

U svim kategorijama , ekipnim ili pojedinačnim,, pojedinci ili ekipe koji su stekli uslov nastupa na međunarodnim takmičenjima mogu biti zamijenjeni na njihovo traženje, slijedećim takmičarima ili ekipama po plasmanu, , ili ako budu iz bilo kojih razloga disciplinski kažnjeni do termina nastupa u reprezentaciji.

#### **Član 77.**

Priznanja uručuju SRS BiH, putem domaćini takmičenja, Delegata takmičenja ili osobe koje ovlasti Upravni odbor SRS BiH i koja će to učiniti na ceremoniji proglašenja pobjednika na zadnjem kolu lige prilikom zatvaranja liga takmičenja za tekuću godinu.

### **11. FORMIRANJE REPREZENTACIJE SRS BIH**

#### **Član 78.**

Reprezentacija SRS BiH u „ULOVU RIBE UDICOM SA HRANILICOM-FEEDER,“ predstavlja BiH na Svjetskom prvenstvu. Reprezentaciju čine **6 (5+1)** takmičara iz PREMIJER FEEDER LIGE SRS BiH izabranih od strane selektora i trenera reprezentacije.

Prva 3 takmičara u Premijer ligi (pojedinačnoj) stiču automatski plasman u reprezentaciju, a ostale bira selektor reprezentacije, od takmičara koji su te sezone bili u sustavu takmičenja Premijer lige.

Tko lovi prvi dan na međunarodnom takmičenju, određuje, nakon treninga, selektor reprezentacije

#### **Član 79.**

Reprezentacija se formira, oprema, priprema i upućuje na evropska, svjetska prvenstva i druga međunarodna takmičenja suglasno Pravilniku o reprezentativnim selekcijama SRS BiH. Odluku o odlasku reprezentacije na međunarodna takmičenja donosi Upravni odbor SRS BiH na prijedlog Takmičarske komisije.

### **12. PRELAZNE I ZAVRŠNE ODREDBE**

#### **Član 80.**

Kalendar PREMIJER FEEDER LIGE, ulovu ribe sa hranilicom i KUPA BiH i uslovi nastupa pojedinaca i ekipa , Takmičarska komisija mora donijeti najkasnije do kraja tekuće godine, za narednu godinu, a što mora biti obavezno objavljeno na WEB SITE SRS BIH .

#### **Član 87.**

Komesar lige, odnosno sekretar takmičenja dužni su poslati obavijest kojom traži potvrdu prijema učešća pojedinaca i ekipa do 1. marta tekuće godine za učešće u takmičenju u tekućoj godini, a svaki takmičar premijer lige ili ekipa moraju Komesaru lige pismeno od 1 marta do 1 aprila tekuće godine potvrditi svoje učešće na prvenstvu u tekućoj godini.

*Najkasnije 15 dana prije takmičenja Komesar lige mora objaviti satnicu takmičenja sa svim neophodnim podacima vezanim za smještaj, dolazak na stazu, žrijeb, početak i završetak takmičenja.*

**Član 88.**

*Za rezultate koji nisu pisani na propisanim obrascima odgovornost snosi Delegat takmičenja osim ako se takmičenje vodi na računalo i tada se moraju sačuvati svi podaci kao i obrasci, te dostaviti na disketi ili pisanom obliku u SRS BiH.*

**Član 89.**

*Prilikom održavanja takmičenja Delegat, sve sudije i sekretar - tajnik takmičenja moraju kod sebe imati ovaj Pravilnik i dužni su ga na zahtjev vođa ekipa, žirija istima predočiti radi, eventualno razjašnjavanja nekih odredbi koje su se tijekom takmičenja pojavile kao sporne.*

**Član 90.**

*Tumačenje Pravilnika vrši Takmičarska komisija, a izmjene i dopune Pravilnika na prijedlog Takmičarske komisije vrši Upravni odbor SRS BiH.*

*Pravo za pokretanje izmjena i dopuna Pravila imaju svi učesnici SRT: Takmičari, sudije, Delegati, Komesari, selektori i vođe ekipa koji svoj prijedlog Upravnom odboru dostavljaju putem Takmičarske komisije SRS BiH.*

**Član 91.**

*Za međunarodna takmičenja čiji je domaćin SRS BiH, važe isključivo odredbe Pravila FIPS-ed i Dodatna pravila koja će za svako konkretno takmičenje propisati SRS BiH, putem TK SRS BiH i Organizacionog odbora prvenstva.*

**Član 92.**

*Pravilnik stupa na snagu danom donošenja. Pravilnik će biti u roku od 7 dana objavljen u službenim glasilima SRS BiH ( Bilten TK, WEB PORTAL- SRS BiH ) i moći će se preuzeti u Download zoni.*

SARAJEVO,  
Broj: 158/19

PREDSJEEDNIK UPRAVNOG ODBORA  
SRS Bi H

**Danijel Kobačić**